

洗冤錄序



獄事莫重於大辟大辟莫重於初情初
情莫重於檢驗蓋死生出入之權輿直
枉屈伸之機括於是乎決法中所以通
差令佐理掾者謹之至也爾年州縣悉
以委之初官付之右選更歷來源錄然
嘗試重所以所作之斯偽吏胥之奸巧虛

幻變化尤不可詰從有敏者一心兩目
亦無所用屯智而况達望而不親掩鼻
而不屑者哉慈四叨臬寄他無所長獨
於獄案審之又審不敢一毫慢易心若
灼然知其為斯則亟與駁下或疑信未
決必反覆深思惟恐卒然而行死者虛
被勞漉每念獄情之失多起于發端之

差定驗之誤此原于歷事之沛逾博采

近世所傳諸書自內典錄以下凡數家

會而梓之釐而正之增以已見總為一

編名曰洗冤錄是我同寅使得參詳互

考如京師討論古法脉絡表裏知已洞

徹一旦按此以施鍼砭發無不中則其

洗冤澤物當與起死回生者同一功用

矣

淳祐丁未嘉樂節前十日朝散大夫新

除直秘閣湖南提刑充大使行府參議

官宋慈惠父序

賢士大夫或有得于兄間及親而歷涉出于此
集之外者切望片令錄賜以廣未備慈擇宣

沈寬集錄

序

宋提刑
新刻洗冤錄目錄

卷之一

朝散大夫新除直祕閣湖南提刑充大使府府參議官中憲大夫編

一條令

二檢覆總說上

三檢覆總說下

四疑難雜說上

五疑難雜說下

六初檢

七覆檢

八驗屍

九婦人

一附小兒屍并胞胎

十四時變動

十一洗罨

十二驗未埋瘞屍

十三驗已殯殞屍

十四驗壞爛屍

十五無憑檢驗

十六白僵死痺死

十七驗骨

卷之二十

十八論骨脉要害去處

十九自縊

二十勒死假自縊

廿一溺死

廿二他物手足傷死

廿三自刑

廿四殺傷

廿五屍首異處

廿六火死

廿七湯潑死

廿八服毒

廿九病死

三十鍼灸死

卅一劓口詞

卅二驗罪囚死

卅三受杖死

廿四 跌死

廿五 塌壓死

廿六 壓塞口鼻死

廿七 硬物癰疔死

廿八 牛馬踏死

廿九 車輪拶死

三十 雷震死

三十一 虎咬死

三十二 蛇蟲傷死

三十三 酒食醉飽死

三十四 築踏內損死

三十五 男子作過死

三十六 遺路死

三十七 死後仰臥停泊赤色

三十八 死後蟲鼠犬傷死

三十九 發塚

四十 驗隣縣死

四十一 辟穢方

四十二 救死方

四十三 申惡容忤卒死

一 殺傷

二 胎動不安

五 驗狀說

宋提刑
新刻洗冤錄目錄

題目陰文在
每條首

聖朝頒降新刻
洗冤錄體式
沈寃錄

初復檢驗本末



至正五年六月中書右三部契勘隨路稱寃重囚多
為初檢屍時司縣官不行親去監檢轉委巡檢或
司吏弓手人等檢驗逐人到屍處亦不親臨監視
止憑仵作行人口喝檢到傷損致命因依附口取
責行人檢驗文狀復驗官吏檢驗不同暗行計問
初檢人等抄錄初檢屍狀雷同回報本處官司又
不照驗所驗實與不實憑准檢狀及准告人指執
并捉事人涉疑詞因將所疑人鍛鍊須要承伏本

人不堪任問虛行招訖申到本路官吏看同常事
又不_仔細披詳所招中間有無冤抑止依先招取
訖招狀結案由部由此致有冤枉據此若不遍行
緣檢屍傷致命因依及鞠勘重刑係關人命其害
非輕合不_下仰照驗今後檢驗屍傷委本處管民長
官畫時將引典吏并諳練刑獄正名司吏信實慣
熟件作行人不以遠近前去停屍處呼集屍親并
隣佑主首人等躬親監視令件作行人對衆一一
_仔細檢驗_出屍應有傷損及定執要害致命因依
取件作行人重甘結罪並無漏落不實文狀檢屍

官吏保明委的是實回牒本處官司復檢官吏作
作行人迴避初檢屍人等依上檢驗亦取行人甘
結文字回報原委官司若長官有故委其餘正官
檢視如承檢公文本處官司照勘所驗委的是實
將被疑人研窮磨問如有宿食下落召保疎放若
賊人贓仗明白委有顯證取犯人招伏追會完備
對家屬審過無冤申報本路總管府經歷知事司
吏人等將來解子仔細叅詳中間有無冤抑亦無
可疑情節總府先行審過無冤再行取責所招情
由府官公坐將囚人押領面對家屬將所招情罪

同前

從頭一一對衆讀示再三審復委無冤抑取本人
復辨家屬准狀結案開申無得違錯今為各路申
到檢屍文狀不一立到體式隨此連去仰抄錄行
下所轄州縣去處已後依式申報如有違錯定是
取招治罪施行

屍首檢訖埋葬

至元十一年六月中書省兵刑部承奉中書省判送
御史臺呈備山北遼東道按察司呈本道所轄北
京等處遇有身死不明之人官司初復檢驗訖不
行埋瘞將屍起于棚樹棧閣以致風日曝吹蠅蟲

同前

咕囁時值暑月皮膚裂破脂肉潰流熏觸天地神明見之無不感傷界司欲以改正如初復檢訖責付屍親埋瘞遇無屍親者責付地主隣佑權行收埋插立對牌棘寫年顏形貌使行旅見後廣傳令屍親知而來認實愈棧閣以厚風俗事奉此本部議得依准今按察司所擬是為便當呈奉都堂鈞旨送本部准呈仰依上施行

隣近檢復施例

大德元年六月口江西行省據臨江路中申檢驗屍首擬合行移隣境附近官司復檢萍鄉州抵接潭州路

同前

醴陵瀏陽等處界分係屬荊湖行省管領依上行
移檢復展轉生受乞照詳事省府相應如果抵接
別省地界中間不便行移本省所屬附近官司施
行

官吏親臨檢屍

大德六年四月行臺札付監察御史奧敦丞事呈言
內一件今後各有司凡有死情公事隨即差官初
復檢驗其受差檢屍官承文字日不移時刻依例
將引件作人吏屍親隣佑行兇人等前往停屍去
處檢屍官吏須要親臨已死人屍側監督件作人

對衆如法檢驗檢屍官吏與仵作人等眼同仔細
看視傷痕定驗端的致命根因依式開寫屍狀于
定驗致命傷項下具說前項傷痕係檢屍官某人
吏某人親視屍身令仵作行人定驗別無不實重
甘結罪回報外據復檢官吏人等回避初檢官吏
仵作行人依上檢驗其檢屍官吏並不許逗遛不
即前去以致已死人身屍潰爛不堪檢驗及不得
不行臨屍檢驗止憑仵作行人口喝傷痕定驗致
命亦不許復檢官就用初檢官仵作行人及計囑
初檢官吏通同回報檢屍文狀各道廉訪司常切

同前

法寶錄卷二
體察如有違犯者將檢屍官吏斷罪勒停以望檢
驗得實大辟之獄易為鞠問不致冤抑得此憲臺
議得仰行移有司依例檢驗如有違犯擬合斟酌
所犯輕重斷罪施行

檢驗法式

某府某州某縣某處某年月日某時檢驗到某人屍
刑用某字幾號勘合書填定執生前致命根因標
注于後

一仰面

頂心

偏左偏右

額門

額顙

額角

兩太陽穴

兩眉

眉叢

兩眼胞

兩眼雙睛

兩腮頰

兩耳

耳輪

耳垂

耳竅

鼻梁

鼻準

兩竅

人中

上下唇吻

上下牙齒

舌

頷頰

咽喉

食氣顙

兩血盆骨

兩肩甲

兩腋臑

兩脇膊

兩肱肱

兩手腕

兩手心

十指

十指肚

十指甲縫

胸膛

兩乳

心坎

肚腹

兩肋

兩腸

臍肚

兩胯

男子須臆腎

兩腿

兩膝

兩膝肋

兩脚腕

兩脚面

十趾

十趾甲



一合面

腦後

髮際

耳根

項頸

兩臂膊

兩肘肘

兩手腕

兩手背

十指

十指甲

脊背

脊膂

兩後肋

兩後脇

腰根

兩臀

穀梁道

兩腿

兩腠

兩腿肚

兩脚踝

兩腿跟

兩脚心

十趾

十趾肚

十趾甲縫



一對衆定驗得某人委因

致命

一檢屍人等

正犯人某

干犯人某

干證人某

地隣人某

主首某

方里正某

屍親某

作作行人某

右件前項致命根因中間但有脫漏不實符同捏
合增減屍傷檢屍官吏人等情願甘伏罪責無辭
保結是實

其年某月某日

司吏某 押

首領官某 押

檢屍官某 押

大德八年三月_日江西行省准_中書省咨刑部呈奉
省判送河南行省咨歸德府切見各處有司不以
人命為重凡有告毆傷身死者不行隨即飛申檢
驗初檢官雖有申到屍狀復檢官司不能即到屍
前以致屍已發變不能復檢既見官司不能復檢
初檢官事_吏因而作弊捏合已死之人作自縊或投
井火燒自傷殘害身死中間別無堪信顯迹必須

追究往來捕拏扣換州縣司吏通行捏合虛套原告詞因啜賺原告絕詞文狀不准官吏通同如此使死者幽冥之寃何由得雪本省看詳檢驗屍傷或受差過時不發或牒至應受而不受或不親臨視或承他處官司請官檢驗或有官可那而稱闕或應牒隣近而牒遠者或因驗而不驗或不明定要害致死之因或定而不當或漏露所驗事狀或將初檢屍狀與復檢官司扶同檢驗等情弊紛紜不能槩舉理宜明定罪例通行遵守施行間又據江西福建道奉使宣撫呈亦為此事奉都堂鈞旨

送刑部議擬連呈奉此本部議得檢驗屍傷已有
常式近年以來親民之官不以人命為重往往推
延致令發變及不親臨監視轉委公吏行人與復
檢官司遞相符同裝捏屍狀移易輕重情弊多端
擬合設法關防防若依奉衣使宣撫所言似為縷細本
部今參酌定立屍帳圖畫屍身一仰一合令各路
一樣板印編立字號勘合用印鈐記發下州縣置
簿封收如遇檢屍隨即定立時刻行移附近不干
碍官司急速差人投下公文仍差委正官將引首
領官吏慣熟件作行人就賚原降屍帳三幅速詣

停屍去處呼集應合聽檢并行兇人等躬親監視
對衆眼同自上至下一一分明仔細檢驗指說
屍應有傷損即于原畫屍身上比對被傷去處標
寫長闊淺深各各分數定說端的要害致命根因
檢屍官吏於上署押一幅給付苦主一幅粘連入
卷一幅申連本官主司仍取苦主并聽檢一千人
等連名甘結依式備細開寫當日保結回報明白
稱說各處相離里路丞發檢驗日時飛申本管官
司其復檢官吏依上復檢了畢亦將屍帳一幅給
付苦主一幅入卷一幅申報上司如有違慢或牒

上下當移轉元板已錯
推其故乃初係每行廿
四字誤倒寫一行耳今
所見元板此處低一格計
其六字恐未一定是第一
矣昨為酌此觀察重刊
仍更曰之書此以所
復翁成在三月思適齋
居士所廣所

到而不受致令屍變者正官決三十七下首領官
吏各決四十七下其不親臨監視轉委公吏檢驗
并增減不實移易輕重定執致命因依不明或初
復官吏相見符同屍狀者正官取招量事輕重斷
罪出降首領官吏各決五十七下罷役件作行人
決七十七下受財者同司屬申報人命公事臨即
附簿檢舉但有違犯依上究問若因枉法論任滿
於解由內開寫本路另置文簿令推官收掌如遇
因循不行駁問者罪及推官無推官者掌司首領
官提調廉訪司職在提刑所在之處先行取會干

七月十五夜校書完錄
見其所引此條與
移轉更已者一字不
異居士為大適因
此下再記之完錄元
人撰彼所見元板未
錯也 慶州

同前

碍人命事目詳加照刷原置文簿卷宗體問若有
似此違犯或犯人招指不同官吏作弊打禁并解
由內隱漏者隨事輕重理斷庶望少革前弊如蒙
准呈遍行照會相應今將定擬屍帳凶身式樣在
前具呈照詳都省准擬今將屍帳式樣錄連在前
除外合行移咨請照驗通行合屬依上施行

屍帳用印關防

延祐二年正月江浙行省札付准中書省咨御史臺
呈准江南行御史臺咨據海北廣東道肅政廉訪
司申切謂刑名之重莫重于殺人獄情之切莫先

于檢驗事體多端情態萬狀有同謀共毆而莫知
誰是下手重者有同謀殺人而莫定誰為初造意
者有甲行兇而苦主與乙讐隙而妄執乙行兇者
有乙行兇而令在下之人承當者若此之類未易
枚舉今省部定到屍形格式於內為是開寫正犯
干犯名色檢驗之際如是事體明白就場認是致
命痕傷者令正犯人下盡字則于事體無害設若
苦主因而私怨所告不實倉卒之間疑似未定必
須仔細推鞠方得其情就場若便仰令被告行兇
人于正犯人下盡字似後鞠問得却係它人則異

日必指**原**非正犯以為翻異之階若令于干犯人
盡字苦主未見何人承當致命行傷則必隨時有
辭不肯承領屍形或為添寫被告二字作被告正
犯人于下盡字則此**比****原**降格式不同上司必為駁
問違錯其有司官吏臨屍檢驗之際變亂事情多
因此致今後正犯人干犯人不須預先刊定若是
當場認定行兇致命事情明白者則于屍帳上明
白標寫作行兇正犯某人盡字設若事情疑似未
易辨明者則標寫作被告行兇人盡字庶望已後
推鞠明白於事無疑獄情易辨刑鮮冤濫然此事

于通例本臺具呈照詳得此送據刑部呈照得大
德八年正月承奉中書省劄付刑部議得檢驗屍
傷已有常式

見大德八年例開

今承見奉本部議得先為

本處檢驗屍傷多生奸弊是以參酌定立屍帳圖
畫屍身遍行各路遵守蓋欲救弊防奸期于事得
明白而無冤滯今廣東道廉訪司所言屍帳上預
先標寫正犯干犯名色事有窒碍今後凡檢驗屍
傷若當場定執致命傷痕無差行兇人等審問明
白別無可疑者正犯人於下畫字若事情未定首
從未分正作行兇或被告人畫字如初復檢驗定

同前

復檢至官吏
也注

執明白而行兇人在逃卒急不能追獲或召呼屍親未到聽將原檢屍帳權且粘連入卷用印關防獲正賊召到屍親至日畫字給付庶不差池如蒙准呈遍行照會得此都省除外請依上施行

初復檢驗體式

某官某年月日時准某處某年月日時牒初復檢某村坊身死~~婦~~^{男子}某姓名~~死~~屍有無傷損如有係某物要害如何致命分明指定作結回示今來某即時將引典史司吏行人復檢即去無干碍吏作迴避初檢官吏就去所指停屍處呼集屍親并隣

佑主首人等躬親監視勒行人對衆眼同一一仔
細檢驗到_治屍應有傷損及要害致命因依取到
件作行人某等重甘結罪並無透露不實文狀據
檢定傷損要害致命去處保明並是端的執結是
實除屍首責付某人如法看管知在不致有損失
聽候施行外今逐一開立于後須至牒者

一到某處見一

男子
婦人

屍首令隣人主首合干人某等

近前仔

細辨觀委是所指某人屍首或吊縊或臥

于床上或在地上頭南脚北或頭東脚西仰合側

臥屍傍開寫東西南北四至處所

謂門窓牆
壁之類

各若

空四格

同前

千步尺

遠則云步近則云尺每常造五尺為一步

此處各開而項檢屍

蹤跡自上至下番復檢驗傷損定驗致命根因

如見屍吊縊即云懸空高下吊縊處可與不可勝任

屍首兩脚懸空或不懸空有無蹬踏器物竟命顯

跡項下有何繩索繫圍徑麓細闊狹長短尺寸將

屍解下如已死將屍解下即云項下有無原繫之

物或在屍傍或在原吊處懸空繫足比對原縊痕

迹同異亦行聲說是何繩索物色

如在水中量水深淺水面至岸闊狹各若干丈尺或

在溝澗亦量上下丈尺

同前

如在灰火中先掃除周圍灰燼然後將屍番動觀屍
着地處有無灰燼燒損

如被毆打傷死痕跡之類屍傷應有器仗物色一一
仔細聲說然後將衣服脫去檢驗

如屍在水中或窄暗處難以定驗者許移于近便處
開說**原**停移動緣由亦須再量四至遠近隨用酒
醋淋洗紙塗搭蓋良久揭去自上至下番復檢驗
于後

一將屍仰面驗得某人年約若干歲量得身長若干
尺寸面體肉色如何脂肉陷與不陷頂心并水道

空二格

頭髮緊慢髮髻長若干用手分開驗得顙門有無
他故如頂上有灸瘡癰痕幾處箇頂心或偏左偏右
有傷一處皮破血出流盡或青紫色赤或腫或浮皮
破或骨損與不損量得長闊深淺圍圓腫高分寸
或係手足或他物或磕礮癰疔所致其驗去處各
各聲說檢得一額兩額角兩太陽穴兩眉叢兩眼
微胞合用手分開驗得兩睛有無他故兩頰腮一鼻
梁兩竅裏外唇上鬚長若干口角近上相連唇鬚
各長若干唇上下口微開舌出與不出或舌出若
干分寸有無涎沫用手擘開口揣捏得舌齒有無

他故遂用銀釵探入咽喉良久取出得見有無變

色頰上髯長若干

如無髯髯亦須聲說

頰上下連項至咽喉

揣捏食氣系塌與不塌兩缺盆各無他故兩肩裏

兩腋裏兩膊裏兩肱裏兩臂裏兩手腕兩手掌十

手指并肚有無他故兩肋裏兩脇裏胸堂兩乳至

前心肚臍上下至陰囊用手揣捏得兩外腎子并

莖物婦人云陰門有無他故兩胯裏兩大腿兩膝蓋兩

膝腠兩腳腕裏兩踝兩腳面十指中甲有傷依上聲

說如無即云各無他故

一將屍合面檢得腦後髻角散與不散如不散用手

同前

解開量得是何頭繩長若干用手分開揣捏得無

他故兩耳後髮際至項兩肩外兩腋外兩膊外兩

手腕外兩手背十指連甲有無他故至脊兩胛兩

肋外兩脇外至腰兩臀片至穀道有無他故兩胯

外兩腿外兩腠兩腿肚吐兩腳腕外兩踝外兩腳

跟兩腳板十指并肚各有無他故並須聲說如吊

驗至項後云其痕匝與不匝如不匝聲說匝分

一定檢得本屍沿身上下所傷除不係致命輕傷外

謂如面色微黃據某處有傷一處何物傷損長闊

各若干分寸深若干分寸骨損與不損有無血汚

同前

或驗得無傷止有青腫係最重委是此處係要害
虛怯如何致命仍指定是與不是要害去處若係
數處被傷中風身死即指定端的因是何傷處致
命若因別病及他故杖瘡死者即指定的確致命
根因備細聲說

一將追到行兇致命器仗磚石棒杵或金刃之類比
對傷處定驗有無相同開說多見名件量得大小長短
丈尺分寸辨得係是應禁軍器或餘物刀及他物之
類若火人行使使堪與不堪害人性命封記發去
檢驗到沿身脫下衣服物件于後如有血污或刺
札破者即云某

墨釘

衣服上有血污及札破某處長闊分寸係某物所
破此對在身痕有相同俱要檢官將無照用衣物
就便責付合干人等收管將合用
各件封記發付合屬官司收管後

有照用衣服開名無照用依上開

右式
年
月
日
牒

新刻洗冤錄體式畢

沈家金骨工

二

五

數目陰文下
俱同

宋提刑
新刻洗冤錄卷之一

朝散大夫新除直秘閣湖南提刑充大使行府參議官宋慈惠父編

宋 宋 慈 惠 父 編

明 胡文煥 德父 校

一條令

諸屍應驗而不驗初覆或受差過兩而時不發遇夜不

此准或不親臨視或不定要害致死之因或定而不

當謂以非理無為病死各以違制論即憑驗狀致

罪已出入者不在自首自覺舉之例其事狀難明定

而失當者杖一百吏人行人一等科罪

諸被差驗復非係經隔日久而輒稱屍壞不驗者坐

以應驗不驗之罪

淳祐詳定

諸驗屍報到過兩時不請官者請官違法或受請違

法而不言或牒至應受而不受或初覆檢官吏行

人相見及漏露所驗事狀者各杖一百

若君驗訖不當日內申

所屬者准此

諸縣承他處官司請官驗屍有官可那而稱闕若闕
官而不具事因申牒或探伺牒至而託故假被免
者各以違制論

諸行人因驗屍受財依公人法

諸檢復之類應差官者差無親嫌干礙之人

諸命官所任處有任滿賞者不得差出應副檢驗屍

聽差

諸驗屍州差司理叅軍

本院內別差官或止

有司理一院准此

縣差尉

縣尉闕即以次差簿丞

縣丞不得出本縣界

監當官皆闕者

縣令前去若過十里或驗本縣囚牒最近縣其郭

下縣皆申州應覆驗者並於差初驗日先次申牒

差官應牒最近縣而百里內無縣者聽就近牒巡

檢或都巡檢

內覆驗應止牒本縣官而獨員者進此謂非見出巡捕考

諸監當官出城驗死者縣差手力**伍**人當直

諸死人未死前無總麻以上親在死所

若禁囚責出本日內及部

送者並差官驗屍人力女使經取囚及非理致死

者仍覆驗驗訖即為收瘞仍差人監視親若知

有親戚在他所者仍報知

諸屍應覆驗者在州申州在縣於受牒時牒屍所最

近縣狀牒內名不得相去百里以上而遠於本縣

者止牒本縣官獨員即

諸請官驗屍者不得越黃河江湖江河謂無橋梁湖

及牒獨員縣郭下縣所牒牒至

諸驗屍應牒近縣而牒遠縣者牒至亦受驗畢申所

屬

諸屍應牒隣縣驗覆而合請官在別縣若百里外或

在病假

不妨本職

無官可那者受牒縣當日具事因

在假者其日時

保明申本州又提點刑獄司并報原牒官

司仍牒以次縣

諸初覆檢屍格目提點刑獄司依式印造每副初覆

各三紙以千字文為號編定給下州縣遇檢驗即

以三紙先從州縣填訖付被差官候檢驗訖從實

填寫一申州縣一付被害之家

無印繳回本司

一具日時

字號入急遞經申本司檢點

遇有第三次後檢驗准此

諸因病死

謂非在囚禁及部送者

應驗屍而同居總麻以上親

或異居大功以上親至死所而願免者聽若僧道
有法眷童行有本師未死前在死所而寺觀主首
保明各無他故者亦免其僧道雖無法眷但有主
首或徒衆保明者准此

諸命官因病亡

謂非在禁及部送者

若經責口詞或因病卒而

所居處有寺觀主首或店戶及隣居并地方合干
人保明無他故者官司審察聽免檢驗

諸縣令丞簿雖應差出須常留一員在縣

非時俱闕州郡差官權

諸稱違制論者不以失論

刑統制曰謂奉制有所施行而違者徒二年若非故

違而失錯每意者杖一百

諸監臨主司受財枉法二指匹無祿者二十五匹絞
若罪至流及不枉法贓伍十匹配本城

諸以毒物自服或與人服而誣告人罪不至死者配
千里若服毒人已死而不知情誣告人者並許人
捕捉賞錢五十貫

諸總麻以上親因病死輒以它故誣人者依誣告法

謂言毆死之類致官
司信憑以經檢驗者不以瘞論仍不在引虛減等

之例即總麻以上親自相誣告及人力女使病死

其親輒以他故誣告主家者准此尊長誣告卑幼
瘞贖減等自依

本法

諸有詐病及死傷受使檢驗不實者各依所欺減一

等若實病死及傷不以實驗者以故入人罪論統刑

議曰上條詐疾病者杖一百檢驗不實同詐妄減一等杖九十

諸屍雖經驗而係妄指他屍告論致官司信憑推鞠

依誣告法即親屬至死所妄認者杖八十被誣人

在禁致死者加三等若官司妄勘者依入人罪法

刑統疏以他物毆人者杖六十見血為傷非手足者其餘皆是他物即兵

不用刃亦是

申明刑統以鞞鞬踢人傷從官司驗定堅硬即從他

物若不堅硬即難作他物例

諸保辜者手足限十日他物毆傷人者二十日以刃

及湯火三十日折目折跌肢體及破骨者五十日

限內死者各依殺人論諸鬻人者依他物法辜內

墮胎者墮後別保三十日仍通本毆傷限不得過

五十日其在限外及雖在限內以他故死者各依

本毆傷法

他故謂別增餘患而死假如人頭傷風從頭瘡而入因風致死之類仍依殺人

論若不因頭瘡得風而死是為他故各依本毆傷法

乾道六年尚書省此狀州縣檢驗之官並差文官如

有關官去處覆檢官方差右選○本所看詳檢驗

之官自合依法差文臣如邊遠小縣委的闕文臣

處復檢官權差識字武臣今聲說照用

嘉靖十六年二月十八日

勅臣僚奏檢驗不定要害致命之因法至嚴矣而
檢覆失實則為覺舉遂以苟免欲望

睿旨下刑部看詳頒示遵用刑寺長貳詳議檢驗
不當覺舉自有見行條法今檢驗不實則乃為覺
舉遂以苟免今看詳命官檢驗不實或失當不許
用覺舉原免餘並依舊法施行奉

聖旨依擬行

二 檢覆總說上

凡驗官多是差廳子虞候或以親隨作公人家人名
目前去追集隣人保伍呼為先牌打路排保打草
踏路先馳看屍之類皆是騷擾鄉衆此害最深切
須戒忌

凡檢驗承牒之後不可接見在近官員秀才術人僧
道以防姦欺及招詞訴仍未得鑒定日時於牒前
到地頭約度程限方可書鑒庶免稽遲仍約束行
吏等人不得少離官員恐有乞覓遇夜行須要勒
令供狀方可止宿

凡承牒檢驗須要行兇人隨行差土著有家累田產

無過犯節級教頭部押公人看管官到地頭勒令
行兇人當面對屍仔細檢喝勒行人公吏對衆隣
保當面供狀不可下司恐有過度走弄之弊如未
獲行兇人以隣保為衆証所有屍帳所覆官不可
漏露仍須是躬親詣屍首地頭監行人檢喝免致
出脫重傷處

凡檢官遇夜宿處須問其家是與不是兇身血屬親
戚方可安歇以別嫌疑

凡血屬入狀乞免檢多是暗受兇身買和套合公吏
入狀檢官切不可信憑便與備申或與繳回格目

雖得州縣判下明有公文照應猶須審處恐異時
親屬爭錢不平必致生詞或致發覺自亦例被污
穢難明

凡行兇器仗索之少緩則姦囚之家藏匿移易粧成
疑獄可以免死干係甚重初受差委先當急急收
索若早出又可叅照痕傷大小濶狹定驗無差

凡到檢所未要自向前且于上風處坐定略喚死人

骨屬或地主

湖南有地主他處無

競主審問事因了點數干

係人及隣保應是合於檢狀著字人齊足先令割
下硬四至始同人吏向前看驗若是自縊切要看

空格提行

吊處及項上痕更看繫處塵土曾與不曾移動及
吊處高下原踏甚處是甚物上得去繫處更看垂
下長短項下繩帶大小對痕濶狹細看是活套頭
死套頭有單掛十字繫有纏遶繫各要看詳若是
臨高撲死要看失脚處土痕蹤跡高下若是落水
~~淹~~死亦要看失脚處土痕高下及量水淺深其餘
殺傷病患諸般非理死人劊四至了但令扛擗明
淨處且未用湯水酒醋先乾檢一遍仔細看腦後
頂心頭髮內恐有火燒釘子釘入骨內其血不出亦不見痕
~~更~~更切點檢眼睛口齒舌鼻大小便二處防有他

物然後用溫水洗了先使酒醋蘸紙搭頭面上胸脇兩乳臍腹兩肋間更用衣被蓋罨了澆上酒醋用薦席罨一時久方檢不得信令行人只將酒醋潑過痕損不出也

三 檢覆總說下

凡檢驗不可信憑行人須令將酒醋洗淨仔細檢視如燒死口內有灰溺死腹脹內有水以衣物或濕紙搭口鼻上即死腹乾脹若被人勒死項下繩索交過手指甲或抓損若自縊即腦後分八字索子不交繩在喉下舌出喉上舌不出切在詳細自餘

傷損致命即無可疑如有疑慮即且捉賊捉賊不獲猶是公過若被人打殺却作病死後如獲賊不免深譴

凡檢驗文字不得作皮破血出大凡皮破即血出當云皮微損有血出

凡定致命痕雖小當微廣其分寸定致命痕內骨折即聲說骨不折不須言骨不折却重害也

或行兇器仗來

到不可分毫增減恐他口索到異同

凡傷處多只指定一痕係要害致命

凡聚衆打人最難定致命痕如死人身上有兩痕皆

可致命此兩痕若是一人下手則無害若是兩人則一人償命一人不償命須是兩痕內斟酌得最重者為致命

凡官守戒訪外事惟檢驗一事若有大段疑難須更廣布耳目以合之庶幾無悞如鬪毆限內身死痕損不明若有痕色曾使醫人師巫救治之類即多因病患死若不訪問則不知也雖廣布耳目不可任一人仍在善使之不然適足自悞

凡行兇人不得受他通吐一例收人解送待他到縣通吐後却勾追恐手脚下人妄生騷擾也

凡初覆檢訖血屬者正副隣人並責杖看守屍首切不可混同解官徒使被擾但解兇身干証若獄司要人自會追呼

凡檢驗後體訪得行兇事因不可見之公文者面白長官使知曲折庶易勘鞠

近年諸路憲司行下每于初覆檢官內就差一員兼體究凡體究者必須先喚集隣保反覆審問如歸一則合款供或見聞參差則令各供一款或併責行兇人供吐大略一併繳申本縣及憲司縣獄憑此審勘憲司憑此詳復或小有差互皆受重責簿

凡初覆檢訖血屬者正副隣人並責杖看守屍首切不可混同解官徒使被擾但解兇身干証若獄司要人自會追呼

凡檢驗後體訪得行兇事因不可見之公文者面白長官使知曲折庶易勘鞠

近年諸路憲司行下每于初覆檢官內就差一員兼體究凡體究者必須先喚集隣保反覆審問如歸一則合款供或見聞參差則令各供一款或併責行兇人供吐大略一併繳申本縣及憲司縣獄憑此審勘憲司憑此詳復或小有差互皆受重責簿

法寶金卷上
頑囚多不伏于格目內兇身下填寫姓名押字公吏
有所取受反教令別撰名色寫作被誣或干連之
類欲乘此走弄出入近江西宋提刑重定格目中
之朝省添入被執人一項若虛實未定者不得已
與之就下書填其確然是實者須勒令僉押于正
行兇字下不可姑息詭隨全在檢驗官自立定見
四 疑難雜說上

凡檢屍不過刀刃殺傷與他物鬪打拳手毆擊或自
縊或勒殺或投水或被人溺殺或病患數者致命
而已然有勒殺類乎自縊溺死類乎投水鬪毆有

空格提行

同前

在限內致命而實因病患身死人力女使因被捶
撻在主家自害自縊之類理有萬端並為疑難臨
時審察切勿輕易差之毫釐謬之千里

凡檢驗疑難屍首如刃物所傷透過者須看內外瘡
口大處為行刃處小處為透過處如屍首爛須看
其原^元衣服比傷著去處

屍或覆臥其右手有短刃物及竹頭之類自喉至臍
下者恐是酒醉攔倒自壓自傷

如近有登高處或泥須看身上有無錢物有無損動
處恐因取物失脚自傷之類

驗婦人無傷損處須看陰門恐自此入刀於腹內雖
皮淺則臍上下微有血沁深則無多是單獨人求
食婦人

如男子須看頂心恐有平頭釘糞門恐有硬物自此
入多是同行入因丈夫年老婦人年少之類也

凡屍在身無痕損唯面色有青黯或一邊是腫多是
被人以物搭口鼻及罨搗殺或是用手巾布袋之
類絞殺不見痕更看頂上肉硬即是切要者手足
有無繫縛痕舌上恐有嚼破痕大小便二處恐有
踏腫痕若無比類方看口內有無涎唾喉間腫與

不腫如有涎及腫恐是纏喉風死宜詳

若究得行兇人當來有窺謀事跡分明又已招伏
方可檢出若無影跡即恐是酒醉卒死

多有人相鬪毆了各自分散散後或有去近江河池
塘邊洗頭面上血或取水喫却為方相打了尚困
乏或因醉相打後頭旋落水渰死落水時尚活其
屍腹肚膨脹十指甲內有沙泥兩手向前驗得只
是落水渰死分明其屍上有毆擊痕損更不可定
作致命去處但一一剖上驗狀即只定作落水致命
最捷緣打傷雖在要害處尚有辜限在法雖在辜

提行空格

限內及限外以他故死者各依本毆傷法

注在他故謂別增

病患而死者

今既是落水身死則雖有傷痕其實是以

他故致死分明曾有驗官為見頭上傷損却定作因打傷迷悶不覺倒在水內却將打傷處作致命致招罪人翻異不絕○更有相打散乘馬撲下卓死亦然但驗失脚處高下撲損痕癥致命要害處仍須根究曾見相打分散証佐人

凡驗因爭鬪致死雖二主分明而屍上並無痕損何以定要害致命處此必是被傷人舊有宿患氣疾或是未爭鬪以前先曾飲酒至醉至爭鬪時有所

觸犯致氣絕而死也如此者多是腎子或一個或兩個縮上不見須用溫醋湯蘸衣服或綿絮之類罨一飯久令件作行人以手按小腹下其腎子自下即其驗也然後仔細看要害致命處

昔有甲乙同行乙有隨身衣物而甲欲謀取之甲呼乙行路至溪河欲渡中流甲執乙就水而死是無痕也何以驗之先驗其屍瘦劣大小十指甲各黑黯色指甲及鼻孔內各有沙泥胸前赤色口唇青斑腹肚脹此乃乙劣而為甲之所執于水而致死也當究甲之原情須有賊証以觀此驗萬無失一

又有年老人以手搗之而氣亦絕是無痕而死也
有一鄉民令外甥并隣人子將鋤頭同開山種粟經
再宿不歸及往觀焉乃二人俱死在山遂聞官隨
身衣服並在牒官驗屍驗官到地頭見一屍在小
茅舍外後項骨斷頭面各有刃傷痕一屍在茅舍
內左項下右腦後各有刃傷痕在外者衆曰先被
傷而死在內者衆曰後自刃而死官司但以各有
傷別無財物定兩相併殺一驗官獨曰不然若以
情度情作兩相併殺而死可矣其舍內者右腦後
刃痕可疑豈有自用刃於腦後者手不便也不數

日間乃緝得一人因讐併殺兩人縣案明遂聞州
正極典不然二冤永無歸矣大凡相併殺餘痕無
疑即可為檢驗貴在精專不可失悞

五 疑難雜說下

有檢驗被殺屍在路傍始疑盜者殺之及檢點公身
衣物俱在遍身鎌刀斫傷十餘處檢官曰盜只欲
人死取財今物在傷多非冤讐而何遂屏左右呼
其妻問曰汝夫自來與某^甚人有冤讐最深應曰夫
自來與人無冤讐只近日有某甲來做債不得曾
有尅期之言然非冤仇深者檢官默識其居遂多

差人分頭告示側近居民各家所有鎌刀盡底將
來只今呈驗如有隱藏必是殺人賊當行根勘俄
而居民賣到鎌刀七八十張令布列地上時方盛
暑內鎌刀一張蠅子飛集檢官指此鎌刀問為誰
者忽有一人承當乃是做債尅期之人就擒訊問
猶不服伏檢官指刀令自看衆人鎌刀無蠅子今汝
殺人血腥氣猶在蠅子集聚豈可隱耶左右環視
者失聲嘆服而殺人者叩首服罪

昔有深池中溺死人經久事屬大家因仇事發體究
官見皮肉盡無惟骷髏骸骨尚在累委官不肯驗

上司督責至數人獨一官員承當即行就地檢骨
先點檢見得其他並無痕迹乃取髑髏口洗將淨
熱湯瓶細細斟湯灌從腦門穴入看有無細泥沙
屑自鼻孔竅中出以此定是與不是生前溺水身
死蓋生前落水則因鼻息取氣吸入沙土死後則
無

廣右有兇徒謀死小童行而奪其所賣發覺距行兇
日已遠因已招伏打奪就推入水中尉司打撈已
得屍於下流內已潰盡僅留骸骨不可辨驗終未
免疑其假合未敢處斷後因閱案卷見初焉體究

官繳到血屬所供稱其弟原是龜背而矮小遂差
官覆檢其胃果然方敢定刑

南方之民每有小小爭競便自盡其命而謀賴人者
多矣先以櫟樹皮罨成痕損死後如他物所傷何
以驗之但看其痕裏面須深黑色四邊青赤散成
一痕而無虛腫者即是生前以櫟皮罨成也蓋人
生即血脉流行與櫟相扶而成痕若以手按着虛
櫟皮所罨也若死後以櫟皮罨者即苦無散遠青赤色
只微有黑色而按之不緊硬者其痕乃死後罨之
也蓋人死後血脉不行致櫟不能施其效更在審

詳原情屍首痕損那邊長短能合他物大小臨時裁之必無疎誤

凡有死屍肥壯無痕損不黃瘦不得作病患死又有屍首無痕損只是黃瘦亦不得據所見只作病患死檢了切須仔細驗定因何致死唯此等檢驗最誤人也

凡疑難檢驗及兩爭之家稍有勢事須選慣熟仵作人有行止畏謹守分貼身並隨馬行飲食水火令人監之少休以待其來不如是則私請行矣假使驗得其實吏或受賂其事亦變官吏獲罪猶庶幾

變動事情枉致人命事實重焉

應檢驗死人諸處傷損並無不是病狀難為定驗者
先須勒下骨肉次第等人狀訖然後剝除死人髮
髻恐生前被人將刃物釘入顙門或腦中殺害性
命

被殘害死者須檢齒舌耳鼻內或手足指甲中有簽
刺筭害之類

凡檢驗屍首指定作被打後服毒身死及被打後自
縊身死被打後投水身死之類最須見得親切方
可如此申上中間多有打死人後以藥灌入口中

誣以自服毒藥亦有死後用繩吊起假作生前自
縊者亦有死後推在水中假作自投水者一或差
互利害不小今須仔細點檢死人在身痕傷如果
不是要害致命去處其自縊投水及自服毒皆有
可憑實跡方可保明

六 初檢

告狀切不可信須是詳細檢驗務要從實

有可任公吏使之察訪或有非理等說且聽來說自

更裁度

戒左右人不得鹵莽

初檢不得稱屍首壞爛不任檢驗並須指定惡害致死之因

凡初檢時如體問得是爭鬪分明雖經多日亦不得定作無憑檢驗招上司問難須仔細定當痕損致命去處若委是經日久變動方稱屍首不任撥擺凡初檢屍有無傷損訖就檢處襯罩屍首在物上復以物蓋候畢周圍用灰印記有若干枚交與守屍弓手者正副隣人看守責狀附案交與復檢免致被入殘害傷損屍首也若疑難檢驗仍不得遠去防覆檢異同

七 覆檢

與前檢無異方可保明具申萬一致命處不明痕損不同如以藥死作病死之類不可槩舉前檢受弊覆檢者焉可不究心察之恐有連累矣

檢得與前驗些小不同遷就改正果有大段違戾不可依隨更再三審問干係等人如衆稱可變方據檢得異同事理供申不可據已見便變易

^覆復檢如屍經多日頭面胖脹皮髮脫落唇口翻張兩^眼腿迭出蛆蟲啞食委實壞爛不通措手若係刀傷他物拳手足踢傷^痕虛處方可作無憑覆檢狀申如

是他物及刃傷骨損宜衝洗仔細驗之即須於狀內聲說致命豈可作無憑檢驗申上

覆檢官驗訖如無爭論方可給屍與親屬無親屬者責付本都埋瘞勒令看守不得火化及散落如有爭論未可給屍且掘一坑就所簞物擗屍安頓坑內以門扇蓋用上土罨瘞作堆周回用灰印印記防備後來官司再檢覆仍責看守狀附案

八 驗屍

身上數件○正頭面有無髮長若頂心顙門髮際額兩眉兩眼或開或閉如閉擘開鼻兩鼻口或開或齒

舌

有無如自縊

齒舌

喉

曾

兩乳

婦人

兩

心腹

臍小肚

玉

莖陰囊

人言

產門

女子

全與

不全

婦

兩脚

大腿

膝

兩

脚膝

兩脚

腕

兩脚

面

十指

爪

翻身

腦後

乘枕

骨

兩脾

背脊

腰

兩臀

辨

有

答

穀道

後腿

兩脚

腠

兩腿

肚

兩脚

跟

兩脚

板

左側

下

腦角

太陽

穴

耳面

兩臉

頸

肩膊

肘

腕

臂

手

五指爪

全與

不全

或

曲

腋

脇

肋

胯

外

腿

外

膝

外

膝

外

肘脚

踝

右側

亦如之

四縫

屍首

須躬

親看

驗頂

心顛

門

兩

額角

兩太陽

喉下

胃前

兩乳

兩脇

肋

心腹

腦後

乘

空一格提行

枕陰囊穀道並係要害致命之處

婦人看陰門兩

膀於內

若一處有痕損在要害或非致命即令仵作指定

喝起

衆約死人年幾歲臨時須仔細看顏貌供寫或問血

屬尤真

凡檢屍先令多燒蒼朮皂角方詣屍前檢畢約三五

步令人將醋潑炭火從上行過其穢自然去矣

多備葱椒鹽白梅防其痕損不見處藉以擁罨仍帶

一砂盆并槌研上件物

凡檢覆須在專一不可避臭惡切不可令仵作行人

遮閉玉莖產門之類大有所悞仍仔細驗頭髮內
穀道產門內慮有鐵釘或他物在內

檢出致命要害處方可押兩爭及知見親屬令見切
不可容令近前恐損害體屍

被傷處須仔細量長濶深淺小大定致命之由

件作行人受囑多以藥

一作
茜

草投醋內塗傷損處痕

皆不見以甘草汁解之則見

人身本赤黑色死動變動作青脛色其痕未見有可
疑處先將水洒濕然後將葱白拍碎令開塗痕處
以醋蘸紙蓋上候一時久除去以水洗其痕即見

提行

一若屍上有數處青黑將水滴放青黑處是痕則硬水住不流不是痕處軟水滴便流去

驗屍并骨傷損處痕跡未見用糟醋潑罨屍首於露

天以新油絹或油明兩傘覆欲見處迎日隔傘看

痕即見若陰雨以熟炭隔照此良法也或更隱而

不見以白梅搗爛攤在欲見處再擁罨看尤未全

見再以白梅取肉加椒醋鹽糟一處研拍作餅子

火上煨令極熱烙損處下先用紙襯之即見其損

昔有二人鬪毆俄頃一人仆地氣絕見証分明及驗

出屍乃無痕損檢官甚撓時方寒忽思得計遂令

掘一坑深二尺餘依屍長短以柴燒熱得所置屍
坑內以衣物覆之良久覺屍溫出屍以酒醋潑紙
貼則致命痕傷遂出

擁罨檢訖作作行人喝四縫屍首謂屍仰臥自頭喝

頂心顙門全額全兩額角全兩太陽全兩眼兩眉

兩耳兩腮兩肩並全胃心臍腹全陰腎全

婦人云
產門全

女人云兩脾腰膝兩肱肋兩脚面十指爪並全

左手臂肘腕并指甲全左肋并脇全左腰胯及左

腿脚並全右亦如之

翻轉屍腦後乘枕骨全兩耳後髮際斜連項全兩背

連脊全兩腰眼兩臀並穀道全兩腿兩後腠兩腿
肚兩腳跟兩腳心並全

九 婦人

凡驗婦人不可避羞

若是處女劄四至訖擗出光明先穩處先令坐婆剪
去中指甲用綿札先勒死人母親及血屬并隣婦
二三人同看驗是與不是處女令坐婆以所剪甲
指頭入陰門內有黯血出即是無即非

若婦人有胎孕不明致死者勒坐婆驗腹內委實有
無胎孕如有孕心下至肚臍以手拍之堅如鐵石

無即軟

若無身孕又無痕損勒坐婆定驗產門恐有他物
有孕婦人被殺或因產子不下身死屍經埋地窖至
檢時却有死孩兒推詳其故蓋屍埋頓地窖因地
水火風吹死人屍首脹滿骨節縫開故遂出腹內
胎孕孩子亦有臍帶之類皆在屍脚下產門有血
水惡物流出

凡富人家女使先量死處四至了便扛出大路上檢
驗有無痕損令衆人見以避嫌疑

—
附小兒屍首并胞胎

有因爭鬪因而殺子謀人者將子手足捉定用脚跟
於喉下踏死只令忤作行人以手按其喉必塌可
驗真偽

凡定當小兒骸骨即因云十二三歲小兒若駁問如何
不定是男是女即解云某當初只指定十二三歲
小兒即不曾說是男是女蓋律稱兒不定作兒是
男女也

墮胎者准律未成形像杖一百墮胎者徒三年律云
墮謂打而落謂胎子落者按五臟神論懷胎一月
如白露二月如桃花三月男女分四月形像具五

空格提行

月筋骨成六月毛髮生七月動右手是男于母左
八月動左手是女于母右九月三轉身十月滿足
若驗得未成形像只驗所墮胎作血肉一片或一
塊若經日壞爛多化為水若所墮胎已成形像者
謂頭腦口眼耳鼻手脚指甲等全者亦有臍帶之
類令收生婆定驗月數定成人形或未成形責狀
在案

墮胎兒在母腹內被驚後死胎下者衣胞紫黑色血
瘡軟弱生下腹外死者其屍淡紅赤無紫黑色及
胞衣白

十 四時變動

春三月屍經兩三日口鼻肚皮兩脇胃前肉色微青
經十日則鼻耳內有惡汁流出四縫切脹肥人
如此久患瘦劣人半月後方有此症

夏三月屍經一兩日先從面上肚皮兩脇胸前肉色
變動經三日口鼻內汁流蛆出遍身胖脹口唇翻
皮膚脫爛炮胗起經四五日髮落暑月罨屍損處
浮皮多白不損處却青黑不見的實痕設若避臭
穢據見王檢過往誤事稍或疑慮浮皮須要剝
去如布

底下血癰分明更有暑月九竅內禾

空格提行

傷損底
空格提行

有蛆蟲却于太陽穴髮際內兩脇腹內先有蛆蟲

必此處有損

空格提行

同前

空格提行

同前

唇翻胞胗起經六七日髮落

冬三月屍經四五日身體肉色黃髮微經半月以後

先從面上口鼻兩脇胃前變動或安在濕地用薦

席裹角埋瘞其屍卒難變動更詳月頭月尾按春

秋節氣定之

盛熱屍首經一日即皮肉變動作青黯色有氣息經

三四日皮肉漸壞屍脹蛆出口鼻汁流頭髮漸落
盛寒五日如盛熱一日時半月如盛熱三四日時
春秋氣候和平兩三日可比夏一日八九日可比夏
三日。然人有肥瘦老少肥少者易壞老瘦者難壞
南北氣候不同山內寒暄不常更在臨時通變審
察

十一 洗罨

宜多備糟醋

襯屍紙惟有藤連紙白抄紙可用苦竹紙見鹽醋
多爛恐侵損屍體

一 擗屍于平穩光明地上先乾檢一遍用水衝洗次

按皂角洗滌屍垢膩又以水衝蕩潔淨

洗時下用門扇罩

襪恐惹塵土

洗了如法用糟醋擁罨屍首仍以死人衣

物盡蓋用煮醋淋又以薦席罨一時久候屍體透軟即去蓋物以水衝去糟醋方驗不得信行人說只將酒醋潑過痕損不出

初春與冬月宜熱煮醋及炒糟令熱仲春與殘秋宜微熱夏秋之內糟醋微熱以天氣炎熱恐傷皮肉秋將深則用熱屍左右手肋相去三四尺加火爇以氣候差涼冬雪寒凜屍首僵凍糟醋雖極熱被

衣重疊擁亦不得屍體透軟當掘坑長闊於屍深
三尺取炭及木柴遍鋪坑內以火燒令通紅多以
醋潑之氣勃勃然方傳擁骨法物視簞擗屍置于
坑內仍用衣服覆蓋再用熱醋淋遍坑兩邊相去
二三尺復以火烘約透去火移屍出驗冬殘春初
不必掘坑只用火烘兩邊看節候詳度

湖南風俗檢死人皆于屍傍燒一深坑用火燒紅去
火入屍在坑內潑上糟醋又四面用火逼良久扛
出屍或行兇人爭痕損或死人骨屬相爭不肯認
至于有三四次扛入火坑重檢者人屍至三四次

經火肉色皆焦痕損愈不分明行吏因此為姦未
至一^兩月間肉皆潰爛及其家有論^訴皆差到聚檢
官時已是數月止有骨殖肉上痕損並不得而知
火坑之法獨湖南有^如此守官者宜知之

十二 驗未埋瘞屍

未埋屍首或在屋內地上或床上或屋後^前露天地上
或在山嶺溪澗草木止並先打量頓屍所在四至
高低所離某處若干^子在溪澗之內上去山脚或岸
幾許係何人地上地名甚處若屋內係在何處及
上下有無物色蓋簞訖方可掘屍出驗

先剝脫在身衣服或婦人首飾自頭上至鞋襪逐一
抄劄或是隨身行李亦具名件訖且以溫水洗屍
一遍了驗未要使用酒醋

剝爛衣服洗了先看其屍有無軍號或額角面臉上
所刺大小字體計行或幾字是何軍人若係配隸
人所配隸何州軍字亦須計行數如經刺環或方
或圓或在手背頂上亦計幾個刺字或環子曾艾
灸或用藥取痕迹黯淒及成疤癥可取竹削一篋
子於灸處撻之可見。

辨驗色自人訖即看死人身上甚處有雕青有灸

癰係新舊瘡疤有無膿血計共幾個及新舊官杖
瘡疤或背或臀并新舊荆杖子痕或腿或脚底甚
處有舊瘡癰癰甚處是見患須量見分寸及何處
有黯記之類盡行聲說如無亦開寫。
打量屍首身長若干髮長若干年顏若干

十三 驗墳內及屋下殯殮屍

先驗墳係何人地上地名甚處土堆一個量高及長
闊並各計若干寸及屍見殯殮在何人屋下亦如
前量之

次看屍頭脚所向謂如頭東脚西之類頭離某處若

千脚離某處若干左右亦如之對衆爬開浮土或
取去殯磚看其屍用何物盛簞謂棺木有無漆飾
席有無汙祿及發簞之類解出開拆取屍于光明
處地上驗之

十四

驗壞爛屍

若避臭穢不親臨往往誤事

屍首變動臭不可近當燒蒼朮皂角辟之用麻油塗
鼻或作紙攄子搵油塞兩鼻孔仍以生姜小塊置
口內遇檢切用猛閉口恐穢氣衝入。

量劄四至訖用水衝去蛆蟲穢汚皮肉乾淨方可驗

提行

未須用糟醋頻令新汲水澆屍道四面

一屍首壞爛被打或刃傷處痕損皮肉作赤色深重作青黑色貼骨不壞蟲不能食

十五 無憑檢驗

凡檢驗無憑之屍宜說頭髮脫落曲鬢頭面遍身皮肉並皆一槩青黑槌皮壞爛及被蛆蟲啞破骨殖顯露去處

如皮肉消化宜說骸骨顯露上下皮肉並皆一槩消消化只有些小化不及筋肉與骨殖相連今來委是無憑檢覆本人生前消身上下有無傷損他故及

定奪年顏形狀致死因依不得兼用手揣捏得沿
身上下並無骨損去處

十六 白僵死瘁死

先鋪炭火約與死人長闊上鋪薄布可與炭等以水
噴微濕臥屍於上仍以布覆蓋頭面肢體訖再用
炭火擁鋪令遍再以布覆之復用水遍洒一時久
其屍皮肉必軟起乃揭所鋪布與被看若皮肉軟
起方可以熱醋洗之平於驗損處以椒葱鹽全白梅
和糟研爛拍作餅子火內煨令熱先於屍上用紙
搭了次以糟餅罨之其痕損必見

十七 驗骨

人有三百六十五節按一年三百六十五日

男子骨白婦人骨黑

婦人生前出血如河水故骨黑如服毒藥骨黑須仔細詳定

髑髏骨男子自頂及耳并腦後共八片

蔡州人腦後有九片

橫一縫當正直下至髮際別有一直縫婦人只六

片腦後橫一縫當正直下無縫

牙有二十四或二十八或三十二或三十六

胃前骨三條

心骨一片嫩如錢大

項與脊骨各十二節

提行

空五格別行

自項至腰共二十四髓骨上有一大髓骨

肩并及左右飯匙骨各一因左右肋骨男子各十二

條八條長四條短婦人各十四條

男女腰間各有一骨大如掌有八孔作四行樣因

手脚骨各二段男子左右手腕及左右膝肘骨邊皆

有婢骨

無婦人

兩脚膝頭各有

木顙

骨隱在其間如大

指大手掌脚板各五縫手脚大拇指并脚第五指

各二節餘十四指並三節

尾蛆骨若猪腰子仰在骨節下

男子者其綴脊處凹兩邊皆有尖瓣如稜角周布

空格提行

連下

九竅煩人者其綴脊處平直周布六竅

大小便處各一竅

骸骨各用麻草小索或細篾串訖各以紙簽標號某骨檢驗時不致差誤

新刻流寬錄卷下

宋 宋 慈 惠父 編

明 胡文煥 德父 校

十八 論沿身骨脉及要害去處

夫人兩手指甲相連者小節小節之後中節中節之後者本節本節之後肢骨之前生掌骨掌骨上生掌肉掌肉後可屈曲者腕腕左起高骨者手外踝右起高骨者右手踝**二**踝相連生者臂骨輔臂骨者髀骨三骨相繼者肘骨前可屈曲者曲肘曲肘上生者髀骨髀骨上生者肩髀肩髀之前者橫髀

骨橫髑骨之前者髀骨髀骨之中陷者缺盆缺盆
之上者頸頸之前者顙喉顙喉之上者結喉結喉
之上者胷胷兩傍者曲領曲領兩傍者頤頤兩傍
者頰車頰車上者耳耳上者曲鬚曲鬚上行者頂
頂前者顙門顙門之後下者髮際髮際正下者額額
下者眉際眉際之末者太陽穴太陽穴前者目目
兩傍者兩小背背兩小背背上者上脰下者下脰正位
能瞻視者目瞳子瞳近鼻者兩大眦近兩大眦者
鼻山根鼻山根上印堂印堂上者腦角腦角下者
承枕骨脊骨下橫生者髑骨髑骨兩傍者釵骨釵

骨正_下中者腰門骨釵骨上連生者腿骨腿骨下可
屈曲者曲腓曲腓上生者膝蓋骨膝蓋骨下生者
脛骨脛骨傍生者髌骨髌骨下左起高大者兩足
外踝右起高大者兩足右踝脛骨前垂者兩足_肢
骨_肢骨前者足本節本節前者小節小節_{相連}前者足
指甲指甲後生者足前跌跌後凹陷者足心下生
者足掌骨掌骨後生者踵肉踵肉後者脚跟也
檢滴骨親法謂如其甲是父或母有骨在某乙來認
親生男或女何以驗之試令某乙就身刺一兩點
血滴骸骨上是_嫡親生則血沁入骨內否則不入

俗云滴骨親蓋謂此也

檢骨須是晴明先以水淨洗骨用麻穿定形骸次第以簞子盛定却鋤開地窖一穴長五尺濶三尺深二尺多以柴炭燒煨以地紅為度除去火却以好酒二升酸醋五升潑地窖內乘熱氣扛骨入穴內以藁薦遮定○蒸骨一兩時候地冷取去薦扛出骨殖向平明處將紅油傘遮屍骨驗○若骨上有被打處即有紅色路微癢骨斷處其接續兩頭各有血暈色再以有痕骨照日看紅活乃是生前被打分明○

骨上若無血癰縱有損折乃死後痕切不可用酒
醋煮骨恐有不便處此項須是晴明方可陰雨則
難見也。如陰雨不得已則用煮法以甕口如鍋煮
物以炭火煮醋多入鹽梅同骨煎須著親臨監視
候千百滾取出水洗向日照其痕即見血皆浸骨
損處赤色青黑色仍仔細驗有無破裂

煮骨不得見錫用則骨多黯

若有人作弊將藥物置鍋內其骨有傷處反白不
見解法見檢屍門

若骨或經三兩次洗罨其色白與無痕同何以辨

之當將合驗損處骨以油灌之其骨大者有縫小者有竅候油溢出則揩令乾向明照損處油到即停住不行明亮處則無損

一法濃磨好墨塗骨上候乾即洗去墨如若有損處則墨必浸入不損則墨不浸

又法用新綿于骨上拂拭遇損處必牽惹綿絲起折者其色在骨斷處兩頭又看折處其骨惹芒刺向裏或外毆打折者芒刺在裏在外者非髑髏骨有他故處骨青骨折處滯淤血

子細看骨上有青暈或紫黑暈長是他物圓是拳

大是頭撞小是脚尖四縫骸骨內一處有損折係致命所在或非要害即令仵作行人指定喝起

擁菴檢訖仵作行人喝四縫骸骨謂屍仰臥自髑髏

喝頂心至顙門骨鼻梁骨胷骨并口骨并全兩

眼眶兩額角兩太陽兩耳兩腮頰骨並全兩肩并

兩臆骨全胸前龜子骨坎心骨全

左臂腕手及髀骨全左肋骨全左胯左腿左膝肋

并髀骨及左脚踝骨脚掌骨並全

右亦如之

翻轉喝腦後乘枕骨脊下至尾蛆骨並全

凡驗元被殺傷死人經日屍首壞爛蛆蟲啞食只存骸骨者元被傷痕血粘骨上有乾黑血為証若無傷骨損其骨上有破損如頭髮露痕又如瓦器龜裂沉淹損路為驗

毆死者死傷處不至骨損則肉緊貼在骨上用水衝激亦不去指甲處之方脫肉貼處其痕損即可見驗骨訖自髑髏肩并臆骨并臂腕手骨及胯骨腰腿骨膝肋膝蓋并髀骨並標號左右其肋骨共二十四莖左右各十二莖分左右係左第一左第二右第一右第二之類莖莖依資次題**記**內脊骨二十

四節亦自上題一二三四連尾蛆骨處號之并胸前龜子骨心坎骨亦號之庶易于檢湊兩肩兩胯兩腕皆有蓋骨尋常不係在骨之數經打傷損方入衆骨係數不若拘收在數為良也先用帛數重包定次用油單紙三四重裹了用索子交眼扎繫作三四處封印頭押訖用桶一隻盛之上以板蓋掘坑埋瘞作堆標訖仍用灰印

行在有一毒草名曰種滅草煎作膏子售人若以染骨其色必變黑黯粗可亂真然被打若在前打處自有暈痕若無暈痕而骨不損即不可指以為痕

切須仔細辨別真偽

十九

自縊

自縊自死者兩眼合唇口黑皮開露齒若勒喉上即

口閉牙關緊舌抵齒不出

又云齒微咬舌

若勒喉下則口

開舌尖出齒門二分至三分而帶紫赤色口吻兩

甲及胷前有吐涎沫兩手須握大拇指兩脚尖直

垂下腿上有血瘡如灸斑痕及肚下至小腹並

墜下青黑色大小便自出大腸頭或有一兩點小

喉下痕紫赤色或黑淤色直至左右耳後髮際橫

長九寸以上至一尺以來

一云丈夫合一尺婦人合一尺脚虛

血

則喉下勒深實則淺人肥則勒深瘦則淺用細緊
麻繩草索在高處自縊懸頭頓身致死則痕跡深
若用全幅勒帛及白練項帛等物又在低處則痕
跡淺低處自縊身多臥于下或側或覆側臥其痕
斜起橫喉下覆臥其痕正起在喉下起于耳邊多
不至腦後髮際下

自縊處須高八尺以上兩腳懸空所踏物須倍高
如懸虛處或在床椅火爐船倉內但高二三尺以
來亦可自縊而死

若經泥雨須看死人赤脚或著鞋其踏上處有無

印下腳跡

自縊有活套頭、死套頭、單繫十字、纏繞繫、須看死人踏甚物、入頭在繩套內、須垂得繩套寬入頭、方是活套頭、脚到地、并膝跪地、亦可死。

單繫十字懸空、方可死、脚尖稍到地、亦不死。

單繫十字是死人先自用繩帶自繫項上、後自以手繫高處、須是先看上頭繫處塵土、及死人踏甚處物、自以手攀繫得上、向繩頭著、方是上面繫繩頭處、或高或大、手不能攀、及不能上、則是別人吊起、更看所繫處物伸縮、須是頭墜下去、上頭繫處。

一尺以上方是。若是頭緊抵上頭，定是別人吊起。
纏繞繫是死人，先將繩帶纏繞項上兩遭，自踏高
繫在上面，垂身致死。或是先繫繩帶在梁棟或樹
枝上，雙襪垂下，踏高入頭，在襪內更纏過一兩遭，
其痕成兩路。上一路纏過耳後，斜入髮際，下一路
平繞項行。吏畏避駁雜，必告檢官乞只申一痕。正
是致命要害去處，或覆檢官不肯相同，書填格目。
血屬有詞，再差官覆檢出為之奈何？須是據實不
可，只作一條痕檢其相疊與分開處，作兩截量盡。
取頭了，更重將所繫處繩帶纏過比並闊狹並同。

信若除
了上一
痕不成
自縊若
除下一
痕

任從覆檢可無後患

凡因患在床仰臥將繩帶等物自縊者則其屍兩眼合兩唇皮開露齒咬舌出一分至二分肉色黃形體瘦兩手拳握臀後有糞出左右手內多是把自縊物色至繫緊死後只在手內須量兩手拳相去幾寸以來喉下痕跡紫赤周圍長一尺餘結締在喉下前面分數較深曾被救解則其屍肚脹多口不咬舌臀後無糞

若真自縊開掘所縊脚下穴三尺以來究得火炭方是或在屋下自縊先看所縊處楣梁枋桁之類塵

兩下空六格

空格提行

土滾亂至多。方是如只有一路無塵。不是自縊。
先以杖子于所繫繩索上輕輕敲。如緊直。乃是。或
寬慢。即是移屍。大凡移屍。別處吊掛。舊痕。挪動。必
有兩痕。

凡驗自縊之屍。先要見得在甚地方。甚街巷。甚人家。
何人見。本人自用甚物。于甚處搭過。或作十字。死
襪繫定。或於項下作活襪套。即驗所著衣新舊。打
量身四至。東西南北。至甚物。面覷甚處。背向甚處。
其死人用甚物踏上。上量頭懸去。所吊處相去若
干尺寸。下量脚下至地相去若干尺寸。或所縊處。

雖低亦看頭上懸掛索處下至所離處並量相去
若干尺寸對衆解下扛屍于露明處方解脫自縊
套繩通量若干尺寸量圍喉下套頭繩圍長若干
項下交圍量到耳後髮際起處闊狹橫斜長短然
後依法檢驗

凡驗自縊人先問元申人其身死人是何色目人見
時早晚曾與不曾解下救應申官時早晚如有人
識認即問自縊人年若干作何經紀家內有甚人
却因何在此間自縊若是奴僕先問顧主討契書
辨驗仍看契上有無親戚年紀多少更看元吊掛

蹤跡去處如曾解下救應即問解下時有氣脉無氣脉解下約多少時死切須仔細

大凡檢驗未可便作自縊致命未辨仔細凡有此只可作其人生前用繩索繫咽喉下或上要害致命死以防死人別有枉橫且如有人睡着其人被勒死吊起所在其驗官如何見得是自縊致死宜仔細也

多有人家女使人力或外人於家中自縊其人不曉法避見臭穢及避檢驗遂移屍出外吊掛舊痕移動致有兩痕舊痕紫赤有血瘡移動痕只白色無

血痕移屍事理甚分明要公行根究開坐生前與
死後痕蓋移屍不過杖罪若漏落不具覆檢官不
相照應申作兩痕官司必反見疑益重干連人之
禍

屍首日久壞爛頭吊在上屍側在地內潰見骨但驗

所吊頭其繩若入槽

謂兩耳連額下深向骨本者

及驗兩手腕

骨頭腦骨皆赤色者是

一云齒赤色及十指尖骨赤色者是

二十

被打勒死假作自縊

自縊被人勒殺或算殺假作自縊甚易辨其自縊者
用繩索帛之類繫縛處交至左右耳後深紫色眼

空格提行

同前

合唇開手握齒露縊在喉上則舌抵齒喉下則舌
多出曾前有涎滴沫臀後有糞出若被人打勒殺
假作自縊則口眼開手散髮慢喉下血脉不行痕
跡淺淡舌不出亦不抵齒項上肉有指爪痕身上
別有致命傷損去處惟有生勒未死間即時吊起
詐作自縊此稍難辨如跡狀可疑莫若檢作勒殺
立限捉賊也

凡被人隔物或窓櫺或樹木之類勒死偽作自縊則
繩不交喉下痕多平過却極深黑黯色亦不起于
耳後髮際絞勒喉下死者結締在死人項後兩手

不垂下縱垂下亦不直項後結交却有背倚柱等處或把衫襟搗着即喉下有衣衫領黑跡是要害處氣悶身死

凡檢被勒併死人將項下勒繩索或是諸般帶絲系臨時仔細聲說纏繞過遭數多是于項後當正或偏左右繫定須有繫不盡垂頭處其屍合面地臥為被勒時爭命須是揉撲得頭髮或角子散慢或沿身止有磕擦着痕

凡被勒身死人須看覷屍身四畔有扎磨蹤跡縱去處又有死後被人用繩索繫札手脚及項下等處其人

已死氣血不行雖被繫縛其痕不紫亦有白痕可
驗死後繫縛者無血瘡繫縛痕雖深入皮即無紫
赤色但只是白痕有用火篦烙成痕但紅色或焦
赤帶濕不乾

十一 溺死

若生前溺水死首男仆臥女仰臥頭面仰兩手兩脚
俱向前口合含眼開閉不定兩手拳握腹肚脹拍着
響落水則手開眼微開肚皮微脹兩脚底皺白不
脹頭髻緊頭與髮際手脚爪縫或脚著鞋內各有
沙泥口鼻內有水沫及有些小淡色血污或有磕

沙身金卷一
擦損處此是生前溺水之驗也

蓋其人未死必須爭氣氣脉往來搖

水入腸故兩手自然拳曲脚罅縫各有沙泥口鼻有水沫流出腹內有水脹也

若檢覆遲即屍首經風日吹晒遍身上皮起或生白

皸

若身上無痕面紫赤此是被入倒提水搥死

若屍面色微赤口鼻內有泥水沫肚內有水腹肚微脹真是渰水身死

若因病患溺死則不計水之深淺可以致死身上別無他故

若疾病身死被人拋掉在水內即口鼻無水沫肚內

無水不脹面色微黃肌肉微瘦

若因患倒落泥渠內身死者其屍口眼開兩手微握
身上衣裳并口鼻耳髮際並有青汚泥者須脫下
衣裳用水淋洗酒噴其屍被泥水淹浸處即肉色
微白肚皮微脹指甲有泥

若被人毆打殺死推在水內入深則脹淺則不甚脹
其屍肉色帶黃不白口眼開兩手散頭髮寬慢肚
皮不脹口眼耳鼻無水瀝流水指爪罅縫並無沙
泥兩手不拳縮兩脚底不皺白却虛脹身上有要
害致命傷損處其痕黑色屍有微瘦臨時看驗若

檢得身上有損傷處錄其痕迹雖是投水亦令押
合千人赴官司推究

諸自投井被人推入井自失脚落井屍首大同小異
皆頭目有被磚石磕擦痕指甲毛髮有沙泥腹脹
側覆臥之則口內水出別無他故只作落井身死
即投井推入在其間矣所謂落井小異者推入與
自落則手開眼微開腰身間或有錢物之類自投
井則眼合手握身間無物

大凡有故入井須脚直下若頭在下恐被人趕逼或
他人推送入井

若是失脚須看失脚處土痕

自投河被人推入河若水稍深闊則無磕擦沙泥等
事若水淺狹亦與投井落井無異大抵水深三四
尺皆能湔殺人驗之果無他物只作落水身死則
自投推入在其間矣若身有繩索及微有痕損可
疑則宜檢作被人謀害置水身死不過立限捉賊
切勿卹一捕限而貽罔測之憂

諸溺河池

行運者謂之河不
行運者謂之池

檢驗之時先問原申人

早晚見屍在水內見時便只在今處或自漂流而
來若是漂流而來即問是東西南北又如何流到

此便住如何申官見其人落水即問當時曾與不曾救應若曾救應其人未出水時已死或救應上岸纔死或即申官或經幾時申官

若在江河陂潭池塘間難以打量四至只看屍所浮在何處如未浮打撈方出聲說在何處打撈見屍池塘或坎窞有水處可以致命者須量見淺深丈尺坎窞則量四至河江陂潭屍起浮或見處池岸并池塘坎窞係何人所管地名何處

諸溺井之人檢驗之時亦先問元申人如何知得井內有人初見有人時其人死未旣知未死因何不

與救應其屍未浮如何知得井內有人若是屋下之井即問身死人自從早晚不見却如何知在井內凡井內有人其井面自然先有水沫以此為驗量井之四至係何人地上其地名甚處若溺屍在底則不必量但約入若干丈尺方攙屍出

屍在井內滿脹則浮出尺餘水淺則不出若出看頭或脚在上在下先量尺寸不出亦以丈竿量到屍近邊尺寸亦看頭或脚在上在下

檢溺死之屍水浸多日屍首胖脹難以顯見致死之因宜申說頭髮脫落頭目胖脹唇口番張頭面連

無中注

遍身上下皮血並皆一槩青黑褪皮驗是本人在
井或河內死後水浸經隔日數致有此今來無憑
檢驗本人_消身有無傷損他故又定奪年額形狀
不得只檢本人_口鼻內有沫腹脹驗得前件屍首
委是某處水溺身死其水浸更多日無憑檢驗即
不用申說致命因依

初春雪寒經數日方浮與春夏秋末不侔

無冤錄云
與春末夏

初不
同

凡溺死之人若是人家奴婢或妻女未落水先已曾
被打在身有傷今次又的然見得是自落水或投

墨釘

井身死于格目內亦須分明具出傷痕定作被打復溺水身死

投井死人如不曾與人交爭驗屍時面目頭額有利刃痕又依舊帶血似生前痕此須看井內有破磁器之屬以致傷着人初入井時氣尚未絕其痕依舊帶血若驗作生前刃傷豈不利官

二 驗他物及手足傷死

律云見血為傷非手足者其餘皆為他物故即兵不用刃亦是

○傷損條限手足十日他物二十日

宋提刑洗冤集錄卷之三
宋提刑洗冤集錄卷之四

法寶錄卷下
鬪訟勅

諸鬪人者依他物法

元符勅申明刑統以靴鞋踢人傷從官司驗定堅硬即從他物若不堅硬難作他物例

或額肘膝拶頭撞致死並作他物痕傷

諸他物是鐵鞭及斧頭刀背木桿棒馬鞭木柴磚石瓮粗布鞋袖底鞋皮鞋草鞋之類

若被打死者其屍口眼開髮髻亂衣服不齊整兩手不拳或有溺污內衣

若在辜限外死須驗傷處是與不是在頭及因破傷風灌汙致命身死

應驗他物及手足殺傷痕損須在頭面上曾前兩乳
脇肋傍臍腹間大小便二處方可依要害致命去
處手足折損亦可死其痕周匝有痕血癰方是生前
打損

諸用他物及頭額拳手脚足堅硬之物撞打痕損顏
色其至重者紫黯微腫次重者紫赤微腫又其次
紫赤又其次青色其出限外痕損者其色微青

凡又他物打着其痕即斜長或橫長如拳手打着即

方圓如脚足踢比如拳手寸分寸較大凡傷痕大小

物當以上件物比凡打着兩目身死分寸稍大毒

氣蓄積向裏可約得一兩日後身死若是打着當下身死則分寸深重毒氣紫黑即時向裏可以當下身死

諸以身去就物謂之磕雖看無破處其痕方圓雖破亦不至深其被他物及手足傷皮雖傷而血不出者其傷痕處有紫赤暈

凡行兇人若用棒杖等行打則多先在實處其被傷人或經一兩時辰或一兩日或至三五日以至七八日十餘日者身死又有用堅硬他物行打便致身死者更看痕跡輕重若是先驅猝被傷人頭髻

然後散拳踢打則多在虛怯要害處或一拳一脚
便致命若因脚踢着要害處致命切須要仔細驗認
行兇人脚上有無鞋履防日後問難

凡他物傷若在頭腦者其皮不破即須骨肉損也若
在其他虛處即臨時看驗若是屍首左邊損即是
兇身行右物致打順故也若是右邊損即損處在
近後若在右前即非也若在後即又慮兇身自後
行他物致打貴在審之無失

看其痕大小量見分寸又看幾處皆可致命只指一
重害處定作虛怯法要害致命身死

頂格

打傷處皮膜相離以手按之即響以熱醋罨止則有痕
凡被打傷殺死人須定最是要害處致命身死若打
折脚手限內或限外死時要詳打傷分寸闊狹後
定是將養不較致命身死面顏歲數臨時聲說

1 凡驗他物及拳踢痕細認斜長方圓皮有微損未
洗屍前用水洒濕先將葱白搗爛塗後以醋糟候
一日除以水洗痕即出

若將棒木皮罨成痕假作他物痕肉爛損黑色四圍
青色聚成一片而無虛腫捺不堅硬

又有假作打死將青竹篦火燒烙之却只有焦黑痕

又淺而光平更不堅硬

十一 自刑

凡自割喉下死者其屍口眼合兩手拳握臂屈而縮

死者人用手把定刃物似作力勢其手自然拳握肉色黃頭髻緊

若用小刀子自割只可長一寸五分至二寸用食刀

即長三寸至四寸以來若用磁器分數不大逐件

器刃自割並下刃一頭尖小但傷着氣候即死

若將刃物自斡着喉下心前腹下兩脇肋太陽頂

門要害處但傷着膜分數雖小即便死如割斡不

深及不係要害雖三兩處未得致死若用左手刃

必起自右耳後過喉一二寸由右手必起自左耳
後傷在喉骨上難死蓋喉骨堅也在喉骨下易死
蓋喉骨不虛而易斷也

其痕起手重收手輕

假如用左手把刃而傷則喉右邊下手處深左邊收刃處淺其

中間不如右邊蓋下刃太重漸漸負痛手用而輕淺及左手須似握物是也右手亦然

凡自割喉下只是一出刀痕若當下身死時痕深
一寸七分食系氣系並斷如傷一日以下身死深
一寸五分食系斷氣系微破如傷三五日以後死
者深一寸三分食系斷須頭髻角子散慢

更看其人面愁而眉皺即是自割之狀

此亦難必

若自用刀剝下手并指節者其皮頭皆齊必用藥物
封札雖是刃物自傷必不能當下身死必是將養
不較致死其痕肉皮頭捲向裏如死後傷者即皮
不捲向裏以此為驗

又有人因自用口齒咬下手指者齒內有風着于瘡
口多致身死少有生者其咬破處瘡口一道周迴
骨折必有膿水淹浸皮肉損爛因此將養不較致
命身死其痕有口齒跡及有皮血不齊去處

驗自刑人即先問元申人其身死人是何色目人自
刑時或早或晚用何刃物若有人來認識卽問身

空格提行

死人年若干在生之日使左手使右手如是奴婢
即先討契書看更問有無親戚及已死人使左手
使右手並須仔細看驗痕跡去處

更須看驗在生前刃傷即有血行死後即無血行

廿四

殺傷

凡被人殺傷死者其屍口眼開頭髻寬或亂兩手微
握所被傷處要害分數較大皮肉多捲凸若透膜
腸臟必出其被傷人見行兇人用刀物來傷之時
必須爭競用手來遮截手上必有傷損或有來護
者亦必背上有傷著處若行兇人于虛怯要害處

一刀直致命者死人手上無痕其瘡必重若行兇
入用刃物斫着腦上頂門腦角後髮際必須斫斷
頭髮如用刃剪者若頭頂骨折即是尖物刺着須
用手捏着兩骨損與不損

若尖刃斧痕上闊長內必狹大刀痕淺必狹深必闊
刀傷處其痕兩頭尖小無起手并收手輕重鎗刺
痕淺則狹深必透斡其痕帶圓或只用竹鎗斡着
要害處瘡口多不齊整其痕方圓不等

凡驗被快利物傷死者須看元着衣衫有無破傷處
隱對痕血點可驗

又如刀剔傷腸肚出者其被傷處須有刀刃撩割三兩痕且一刀所傷如何却有三兩痕蓋凡人腸臟盤在左右脇下是以撩割着三兩痕

凡檢刀鎗刃斫剔須開說屍在甚處向_當着甚衣裳_服上有無血跡傷處長闊深分寸透肉不透肉或腸肚出_剔骨膜出作致命處仍檢刃傷衣服穿孔如破竹鎗尖物戳傷致命便說尖硬物戳傷致死

凡驗殺傷先看是與不是刀刃等物及生前死後痕傷如生前被刃傷其痕肉闊花文交出若肉痕齊截只作_是死後假作刃傷痕

低二格

頂格

如生前刃傷即有血汗汁及所傷痕瘡口皮肉血多
花鮮色所損透膜即死若死後用刀刃割傷處肉
色即乾白更無血花也蓋人死後血脉不行是以肉色白也

此條仍責取行人定驗是與不是生前死後傷痕
活人被刃殺傷死者其被刃處皮肉緊縮有血瘡四
畔若被支解者筋骨皮肉稠粘受刃處皮縮骨肉露
死人被割截屍首皮肉如舊血不灌瘡被割處皮不
緊縮刃盡處無血流其色白縱痕下有血洗檢擠
搽肉色肉無清血出即非生前被刃

一更有截下頭者活時斬下筋縮入死後截下項長

並不伸縮

凡檢驗被殺身死屍首如是尖刃物方說被刺要害
若是齊頭刃物即不說刺字如被傷着肚下兩肋
下或臍下說長闊分寸後便說斜深透內脂膜肚
腸出有血污驗是要害被傷割處致命身死若是
傷着心前肋上只說斜深透內有血污驗是要害
致命身死如傷着喉下說深至項鎖骨損兼周迴
所割得有方圓不齊去處食系氣系並斷有血污
致命身死可說要害處如傷着頭面上或兩太陽
穴腦角後髮際內如行兇人刃物大方說骨損若

腦漿出時有血污亦定作要害處致命身死如斫
或刺着沿身不拘那裏若經隔數日後身便將養
不較致命身死

凡驗被殺傷人未到驗所先問元申人曾與不曾收
捉得行兇人是何色目人使是何刃物曾與不曾
收得刃物如收得取索看大小看紙畫樣如不曾
收得則問刃物在甚處亦令元申人畫刃物樣畫
訖令元申人于樣下書押字更問元申人其行兇
人與被傷人是與不是親戚有無冤讐

廿五

屍首異處

凡驗屍首異處勒家屬先辨認屍首務要仔細打量
屍首頓處四至訖次量首級離屍遠近或左右或
去肩脚若干尺寸支解手臂脚腿各量別計仍各
寫相去屍遠近却隨其所解肢體與屍相湊提湊
首與項相湊圍量分寸一般係刃物斫落若項下
皮肉捲凸兩肩井聳被生前斫落皮肉不捲凸兩
肩井不聳被係死後斫落

火死

凡生前被火燒者其屍口鼻內有煙火兩手脚皆拳
縮緣其人未死前被火逼奔爭口開氣脉往來效呼吸烟灰入口鼻肉若死後燒者

其人雖手脚拳縮口內即無烟火灰若不燒着兩肘骨及膝骨手脚亦不拳縮

若因老病失火燒死其屍肉色焦黑或捲兩手拳曲臂曲在胸前兩膝亦曲口眼開或咬齒及唇或有脂膏黃色突出皮肉

若被人勒死拋掉在火內頭髮焦黃頭面渾身燒得焦黃皮肉槁皺並無指漿縫皮去處項下有被勒着處痕跡

又若被刃殺死却作火燒死者勒件作拾起白骨扇去地上灰塵于屍首下淨地上用釀米醋酒潑若

空一格

同前

是殺死即有血入地鮮紅色須先問屍首生前宿臥所在却恐殺先後移屍往他處即難驗屍下血色

大凡人屋或厓或茅蓋或^若被火燒其死屍在茅厓之下或因與人有讐乘勢推入燒死者其死屍則在茅厓之上兼驗頭足亦有向至

如屍被火化盡只是灰無條段骨殖者勒行人鄰証供狀緣上件屍首或失火燒^毀或被^人燒^毀即無骸骨存在委是無憑檢驗方與備申

凡驗被燒^火死人先問元申人火從何處起火起時其

空格提行

人在甚處因^甚在彼被火燒時曾與不曾救應仍
根究曾與不曾與人作鬧見得端的方可檢驗或
檢得頭髮焦拳頭面連身一槩焦黑宜申說今來
無憑檢驗本人沿身上下有無傷損他故及定奪
年顏形狀不得只檢得本人口鼻內有無灰燼委
是火燒身死^{果重}如火燒深重實無可憑即不要說口
鼻內灰燼

十七

湯潑死

凡被熱湯潑傷者其屍皮肉皆折皮脫白色着肉者
亦白肉多爛赤

空格

如在湯火內多是倒臥傷在手足頭面胸前如因鬪打或頭^撞腳踏手推在湯火內多是兩後脰與臀腿上或有打損處其炮不甚起與其他所燙不同

廿八 服毒

凡服毒死者屍口眼多開而^面紫黯或青色唇紫黑手足指甲俱青黯口眼耳鼻間有血出

甚者遍身黑腫面作青黑色唇捲發炮舌縮或裂折爛腫微出唇亦爛腫或裂折指甲尖黑喉腹脹作黑色生炮身或青^斑眼突耳鼻口內出紫黑血鬚髮浮不堪洗未死前須吐出惡物或瀉下黑血穀

空格

空格

空格

道腫突或大腸穿出

有空腹脹服毒惟腹肚青脹而唇指甲不青者有食
飽後服毒惟唇指甲青而腹肚不脹者又有腹臟
虛弱老病之人略服毒而便死腹肚口唇指甲並
不青者却須參以他証

生前中毒而遍身作青黑多日皮肉尚有亦作黑色
若經久皮肉腐爛見骨其骨黯黑色

死後將毒藥在口內假作中毒皮肉與骨只作黃白
色

凡服毒死或時即發或當日早晚若其藥慢即有一

日或二日發或有翻吐或吐不絕仍須于衣服上

尋余藥及屍坐處尋藥物器皿之類

中蟲毒遍身上下頭面胸心並深青黑色肚脹或口

內吐血或糞門內瀉血

鼠莽草毒江南有之亦類中毒加之唇裂齒齦青黑

色此毒經一宿一日方見九竅有血出

食果實金石藥毒者其屍上下或有一二處赤腫有

類拳手傷痕或成大片青黑色爪甲黑身體肉縫

微有血或腹脹或瀉血酒毒腹脹或吐瀉血

砒霜野葛毒得一伏時遍身發小炮作青黑色眼睛

空格
江南有之小注

空格

空格

空格

聳出舌上生小刺炮綻出口唇破裂兩耳脹大腹
肚膨脹糞門脹結十指甲青黑

金蚕蠱毒死屍瘦劣遍身黃白色眼睛塌口齒露出
上下唇縮腹肚塌將銀釵驗作黃浪色用皂角水
洗去。

一云如是只身體脹皮肉似湯火炮起漸次為膿舌
頭唇鼻皆破裂乃是中金蚕蠱毒之狀

如因吐瀉瘦弱皮膚微黑不破裂口無血與糞門不
出乃是飲酒相反之狀

如服毒中毒死人生前喫物壓下入腸臟內試驗無

若驗服毒用銀釵皂角水
洗過探入死人口內以紙塞
良久取出作青黑色再用
皂角水指洗其色不去如
無其色鮮白
空格

証即自穀道內試其色即見

凡檢驗毒死屍間有服毒已久蘊積在內試驗不出

者須先用銀以或銅釵探入死人口喉訖却用熱糟醋自下

指洗漸漸向上須令氣透其毒氣薰蒸黑色始現如便

將熱糟醋自上而下則其毒氣逼熱氣下洩不復可

見或就糞門上試探則用糟醋當反是

又一法用大米或占米三升炊飯用淨糯米一升淘

洗了用布袋盛就所炊飯上炊饋取雞子一箇鴨

子亦可打細破取白拌糯米飯令勻依前祇一起着在

前大米占米飯上以手三指緊握白米飯糯如鴨子

鴨子亦可小注

大母令冷急開屍口齒外放著及用小紙三五張
搭遮屍口耳鼻臀陰門之處仍用新綿絮三五條
釀醋三五升用猛火煎數沸將綿絮放醋窩內煮
半時取出仍用糟鹽盤罨屍却將綿絮蓋覆若是死
人生前被毒其屍即腫則口內黑臭惡汁噴來綿
絮上不可近後除去綿絮糯米飯被臭惡之汁亦
黑色而臭此是受毒藥之狀如無則非也試驗糯
米飯封起申官府之時分明開說此檢驗訣曾經
大理寺看定

廣南人小有爭怒賴人自服胡蔓草一名斷腸草形

如阿魏葉尖長條蔓生服三葉以上即死乾者收
藏經久作末未食亦死如方食未久將大糞汁灌之
可解其草近人則葉動將嫩葉心浸水涓滴入口
即百竅潰血其法急取抱卵不生雞兒細研和麻
油開口灌之乃盡吐出惡物而甦如少遲無可救
者

升九 病死

凡因病死者形體羸瘦肉色痿黃口眼多合腹肚低
陷兩眼通黃兩拳微握髮髻解脫身上或有新舊
鍼灸癰痕餘無他故即是因病死

空格

凡病患求乞在路死者形體瘦劣肉色痿黃口眼合

兩手微握口齒焦黃唇不蓋齒

著

邪魔中風卒死屍多肥肉色微黃口眼合頭髮緊口

緊

內有涎沫遍身無他故

卒死肌肉不陷口鼻內有涎沫面色紫赤蓋其人未

死時涎壅于上氣不宣通故面色及口鼻如此

卒中死眼開睛白口齒開牙關緊間有口眼喎斜并

口兩角鼻肉涎沫流出手脚拳曲

中暗風屍必肥肉多澁白色口眼皆開涎唾流溢卒

定

死于邪祟其屍不在于肥瘦兩手皆握手暗爪甲

已上云、上條
小注

衣下堂三格

多青或毒^暗風如發驚搐死者口眼多喎斜手足必拳縮臂腿手足細小涎沫亦流

以上三項大略相似更檢驗時^須子細分別

傷寒死遍身紫赤色口眼開有紫汗流唇亦微綻手

不握拳

時氣死者眼閉口開遍身黃色量有薄皮起手足^俱伸

中暑死多在五六月眼合舌與糞門俱不出面皮^黃

白色

凍死者面色痿黃口内有涎沫牙齒硬身直兩手緊

抱胃前無^兼衣服單薄檢時用酒醋洗得少熱氣則

兩腮紅面如芙蓉色口有涎沫出其涎不粘此則凍死証

饑餓死者渾身黑瘦硬直眼閉口開牙關緊禁手脚俱伸

或疾病死值春夏秋初申得遲經隔兩三日肚上臍下兩脇肱骨縫有微青色此是病人死後經日變動腹內藏污發作攻注皮膚致有此色不是生前有他故切空**仔細**

凡驗病死之人纔至檢所先問元申人其身死人來自何處幾時到來幾時得病曾與不曾申官取責

口詞有無人識認如收得口詞即須問元患是何
疾病年多少病得幾日方申官取問口詞既得口
詞之後幾日身死如無口詞則問如何取口詞不
得若是奴婢則須先討契書看問有無親戚患是
何病曾請是何醫人吃甚藥曾與不曾申官取口
詞如無則問不責口詞因依然後對衆証定如別
無他故只取衆定驗狀稱說遍身黃色骨瘦委是
生前因患是何在**疾**致死仍取醫人定驗疾色狀一
紙如委的衆証因病身死分明元初雖不曾取責
口詞但不是非理致死不須牒請復驗

三十 鍼灸死

須勾醫人驗鍼灸處是與不是穴道雖無意致殺亦須說顯是鍼灸殺亦可科醫不應為罪

三十一 割口詞

凡抄割口詞恐非正身或以他人偽作病狀代其飾說一時不辨認合於所狀內云日後或死亡申官從條檢驗庶使豪強之家預知所警

宋提刑洗冤集錄卷之五

論罪囚

凡驗諸處獄中非理致死囚人須當徑申提刑司即時人發遞鋪

三十三 受杖死

定所受杖處瘡痕闊狹看陰囊及婦人陰門并兩脇肋腰小腹等處有無血癰痕

小杖痕左邊橫長三寸闊二寸五分右邊橫長三寸五分闊三寸各深二分

大杖痕左右各方圓三寸至二寸五分各深三分各有膿水兼瘡週迴亦有膿水淹浸皮肉潰爛去處背上杖瘡橫長五寸濶三寸深五分如日淺時宜說兼瘡週迴有毒氣攻注青赤赤連皮緊硬去處如日數多時宜說兼瘡週迴亦有膿水淹浸皮肉潰爛

空格

空格

去處將養不較致命身死

又有訊腿杖而荆杖侵及外緊而死者尤須細驗

三十四 跌死

凡從樹及屋臨高跌死者看枝柯掛攀所在并屋高

低脚處蹤跡或土痕高下及要害處須有低物或

物磕擦痕癥若內損致命痕者口眼耳鼻內宜有

血出若傷重分明更當仔細驗之仍量撲落處高

低丈尺

三十五 塌壓死

凡被塌壓死者兩眼瞳出舌亦出兩手微握遍身死

血淤紫黯色或鼻有血或清水出傷處有血癰赤
腫皮破處四畔赤腫或骨并筋皮斷折須壓着要
害致命如不壓着要害不致死死後壓即無此狀
凡檢舍屋及墻倒石頭脫落壓着身死其屋沿身虛
怯要害去處若有痕損須說長闊分寸作堅硬物
壓痕仍看骨損與不損若樹木壓死要見得所倒
樹木斜傷著痕損分寸

三十六

外物壓塞口鼻死

凡被人以衣服濕紙搭口鼻死則腹乾脹
若被人以外物壓塞口鼻出氣不得後命絕死者眼

開睛突口鼻內流出清血水滿面血癰赤黑色糞
門突出及便溺污壞衣服

三十七 硬物癰疔死

凡被外物癰疔死者肋後有癰疔著紫赤腫方圓三
寸四寸以來皮不破用手揣捏得筋骨傷損此最
為虛怯要害致命去處

三十八 牛馬踏死

凡被馬踏死者屍色微黃兩手散頭髮不慢口鼻中
多有血出痕黑色被踏要害處便死骨折腸臟出
若只築倒或踏不着要害處即有皮破癰赤黑痕

不致死。○**驢足痕小**

牛角觸着若皮不破傷亦赤腫觸着處多在心頭胸前或在小腹脇肋亦不可拘

三十九 車輪拶死

凡被車輪拶死者其屍肉色微黃口眼開兩手微握

頭髻緊

凡車輪頭拶着處多在心頭胸前并兩脇肋要害處便死不是要害不致死

四十 雷震死

凡被雷震死者其屍肉色焦黃渾身軟黑兩手拳散

或不燒口小注

口開眼皺耳後髮際焦黃頭髮披散燒着處皮肉
緊硬而攣縮身上衣服被天火燒爛或不燒傷損
痕跡多在腦上及腦後腦縫多開鬢髮如焰火燒
從上至下時有手掌大片浮皮紫赤肉不損胷項
背膊上或有似篆文痕

四十一 虎咬死

凡被虎咬死者屍肉色黃口眼多開兩手拳握髮髻
散亂糞出傷處多不齊整有血舐齒咬痕跡

虎咬人多咬頭項上身上有爪痕挫損痕傷處成
窟或見骨心頭胸前臂腿上有傷處地上有虎跡

勒畫匠畫出虎跡并勒村甲及傷人處隣人供責

為証

一云虎咬人月初咬頭項月中咬腹背月尽咬兩脚猫兒咬鼠亦然

四十二

蛇蟲傷死

凡被蛇蟲傷致死者其被傷處微有嚙損黑痕四畔青腫有青黃水流毒氣灌注四肢身體光腫面黑如檢此狀即須定作毒氣灌著甚處致死

四十三

酒食醉飽死

凡驗酒食醉飽致死者先集會首等衆勒仵作行令用醋湯洗檢在身如無痕損以手拍死人肚皮膨脹而響者如此即是因酒食醉飽過度腹脹心肺

致死仍取本家親的骨肉供狀述死人生前喫酒多少致醉及取會首等狀今來喫酒多少數目以驗致死因依

四十四

醉飽後築踏損死

凡人吃酒食至飽被築踏內損亦可致死其狀甚難明其屍外別無他故唯口鼻糞門有飲食并糞帶血流出遇此形狀須仔細體究曾與人交爭因而築踏見人照証分明方可定死狀

四十五

男子作過死

凡男子作過太多精氣耗盡脫死于婦人身上者真偽

不可不察真則陽不衰偽者則痿

四十六 遺路死

或是被打死者扛在路傍者正只申官作遺路死屍
須仔細檢驗如有痕跡合申官多方體訪

四十七

死後仰臥停泊微有赤色

空二格

凡死人項後背上兩脇後腰腿內兩臂上兩腿後兩
肱兩脚肚子上下微有赤色

驗是本人身上後一向仰臥停泊血脉墜下致有此
微赤色却不是別致他故身死

四十八

死後蟲鼠犬傷

凡人死後被蟲鼠傷即皮破無血破處週迴有蟲鼠
嚙痕蹤跡有皮肉不齊去處若狗咬則痕跡粗大

四十九 發塚

驗是甚向墳園長闊多少被賊人開鋤墳土狼籍鋤
鋤開深尺寸見板或開棺見屍勒所報人具出死
人元裝着衣服物色有甚不見被賊人偷去

五十 驗鄰縣屍

凡鄰縣有屍在山林荒僻處經久損壞無皮肉本縣
已作病死檢了却牒鄰縣覆蓋為他前檢不明于
心未安相攀覆檢有如此類莫若據直申其屍見

凡被牒往他縣覆檢者
先具承牒時辰起離前去
事狀申所屬官司值夜止
宿及到地頭次第取責于
連人罪狀致死令經幾日方
行檢驗如經停日久委的
皮肉壞爛不任看驗者即具
件作行人等處狀稱屍首
頭項口眼耳鼻咽喉上下
至心胃肚臍小腹手脚等處
遍身上下死脹楚爛蛆虫
往來啞食不任檢驗如稍
可驗即先用水洗去浮蛆
出子細依理檢驗

有白骨一幅副手足頭全並無皮肉腸胃驗是死經
多日即不見得因何致死所在有屍骨未敢給付埋
殯申所屬施行不可被公人給作無憑檢驗

五十一

辟穢方

三神湯能辟死氣

蒼朮

二兩米泔水
浸兩宿焙乾

白朮

半兩

甘草

半兩
炙

右為細末每服二錢入鹽少許點服

辟穢丹能辟穢氣

麝香

少許
細辛

甘松

一兩

川芎

二兩

右為細末蜜丸如彈子大久審為妙每用一丸

圓

燒之

蘇合香丸圓每一丸含化辟惡尤能

五十二救死方

凡若縊從早至夜雖冷亦可救從夜至早稍難若心下

溫一日以上猶可救不可得亂絕但款款抱解放臥

令一人踏其兩肩以手拔其髮常令緊一人微微

撚整喉嚨依元以手未擦胸上散動之一人磨擦臂

足屈伸之若以僵仆但漸強屈之又按其腹如此一

飯久即氣從口出復呼吸眼開勿苦勞動又以少

官桂湯及粥飲與之反令潤咽喉更令二人以筆管

空格

空格

空格

吹其耳內若依此救無有不活者

又法緊用手罨其口勿令通氣兩時許氣急即活

又用皂角細辛等分為末如大豆許吹兩鼻孔

水溺一宿者尚可救搗皂角以綿裹納下部內須臾

出水即活

又屈死人兩足着人肩上以死人背貼生人背擔走

吐出水即活

又先打壁泥一堵置地上却以死者仰臥其上更以

壁土覆之止露口眼自然水氣翕入泥間其人遂

甦洪丞相在番陽有溺水者身僵氣絕用此法救

即甦

又炒熟沙覆死人面上下着沙只留出口耳鼻沙冷

濕又換數易甦

又醋半盞灌鼻中

又綿裹石灰納下部中水出即活

又倒懸以好酒灌鼻中及下部

又倒懸解去衣去臍中垢令兩人以筆管吹其耳

又急解死人衣服于臍上灸百壯

喝死於行路上旋以刀器掘開一穴入水擣之却取

爛漿以灌死者即活

中喝不省人事者與冷水吃即死但且急收竈間微
熱灰壅之復以稍熱湯蘸手巾熨腹脇間良久甦
醒不宜便與冷物喫

凍死四肢直口禁有微氣者用大鍋炒灰令煖袋盛
熨心上冷即換之候目開以溫酒及清粥稍與之
若不先溫其心便以火炙則冷氣與火爭必死

又用毡或藁薦捲之以索繫令二人相對踏令滾轉
往來如衲毡法古早切摩候四肢溫即止

魘死不得用燈火照不得近前急與多殺人但痛咬
其足根及足拇指畔及垂其面必活

魘不省者移動些小臥處徐徐喚之即省夜間魘者元有燈即存元無燈切不可用燈照

又用筆管吹兩耳及取病人頭髮二七莖撚作繩刺入鼻中

又鹽湯灌之

又研韭汁半盞灌鼻中冬用根亦得

又灸兩足大拇指聚毛中三七壯

聚毛乃脚指向上生毛處

又皂角末如大豆許吹兩鼻內得嚏則氣通三四日者尚可救

中惡客忤卒死

凡卒死或先病及睡臥間忽然而絕者皆是中惡也
用韭黃心于男左女右鼻內刺入六七寸令目開
血出即活。

視上唇內沿有如粟米粒以鍼挑破

又用皂角或生半夏末如大豆許吹入兩鼻

又用羊屎燒烟薰鼻中

又綿浸好酒半盞手按令汁入鼻中及提其兩手令
驚須臾即活

又灸臍中百壯吹鼻中皂角末或研韭汁灌耳中

又用生菖蒲研取汁一盞灌之

殺傷

凡殺傷不透膜者乳香沒藥各一皂角子大研爛以小便半盞好酒半盞同煎通口腹服然後用花蕊石散或烏賊魚骨或龍骨為末傅瘡口上立止

推官宋瑒定驗兩處殺傷氣偶未絕亟令保甲各取葱白熟鍋炒熟熟遍傅傷處繼而呻吟再易葱而傷者無痛矣曾語樂平知縣鮑芹及再會鮑曰葱白甚妙樂平人好鬪多傷每有殺傷公事未暇詰問先將葱白傅傷損處活人甚多大辟為之減少出張聲遠經驗方

胎動不安

凡婦人因爭鬪胎不安腹內氣刺痛脹上喘者

川芎

一兩半

當歸

兩半

右為細末每服二錢酒一大盞煎六分炒生薑
少許在內尤佳又用苧麻根一大把淨洗入生
薑三五片水一大盞煎至八分調粥飯與服

驚怖死者以溫酒一兩盃灌之即活

五絕及撲打卒死等但須心頭溫煖雖經日亦可救
先將死盤屈在地上如僧坐狀令一人將死人頭
髮控放低用生半夏末以竹筒或紙筒筆管吹在

五絕云、小注

卒暴斃墮土廟築倒
及鬼壓死若肉未
冷急以酒調蘇合香
圓灌入口若下喉去
可合

鼻內如活却以生姜自然汁灌之可解半夏毒

五絕者產魃縊魘溺

治法方
半夏一味

五十三 驗狀說

凡驗狀須開具死人屍首元在甚處如何頓放彼處
四至有何衣服在彼逐一各檢劄名件其屍首有
無雕青灸癍痕舊有何缺折肢體及偃僂拳跛禿
頭青紫黑色紅痣肉瘤蹄腫諸般疾狀皆要一一
于驗狀聲載以備証驗詐偽根本原推勘及有不
得姓名一屍首後有骨肉陳埋者便要驗狀證辨
觀之今之驗狀若是簡略具述不全致命久速照

明人喜刻書而六不
月守其旧故所刻
在二史於古即如此
方能翻刻之可謂善
矣何必欲改其卷第
而設條目何即余
而檢也且其國方目於
律令而載有改寬
第一卷也無之矣其
平定其亦不卷也亦
此而考之殆即指
是也也又其卷之
下就其不卷之耳故目
云一卷也無之矣其
寬二冊又檢其
未與此亦併得
下知無九月
其不與之

用况驗屍首本緣非理獄囚軍人無主死人則委
官定驗兼官司信憑檢驗狀推勘何可疎略又况
驗屍失當致罪匪輕當是行在者切宜究之

洗冤錄舊刻不多見得見覆刻今已鮮世
傳者非其本今書矣余家舊藏宋提刑洗冤集
錄五卷前有聖朝頒降新例幾條載大德云
故定是元刻茲胡文煥復本文理略同殊多
脫誤且改易卷第因手校之庶可讀也復翁

宋提刑
新刻洗冤錄卷之五

